

茅山志卷之四

龍四

茅山志卷之四

龍圖

上清嗣宗師劉大彬造

誥副墨

宋詔誥

勅劉混康睽異又見畏景殊積誅思想作偃
蹇雲山養高物外從容於自得之場健羨無
窮有所諭言詎可騰口當伺飈馭西來面悉
至意彼中有目擊事毋憚煩碎並附郵傳以
聞使一方民瘼不壅於上聞茲所望也炎歆
隆熾善衛沖和

笈師至所奏事一一備曉謹齋沐寫成密詞
一通託先生拜章奏達即幸也伺得天語速
具奏來餘面諭笈師令於先生處開陳貴妃
表一通亦附於笈師回山御筆畫元始天尊
太上道君各一本可與去歲所畫太上老君

龍四

共三清潛神供養北斗等經五冊扇頭二十
箇果實一十件香華龍腦茶燭等各以數交
割付笈師空名祠部五十道紫衣三十道恐
要度徒弟笈師之下應徒弟賜以紫衣師號
隨行侍者十五人皆賜披度及賜束帛有差

大觀元年七月二十九日

累承所惠符子不敢自身人若有疾必與服之庶滋先生治病救人之意諸符子告求數十道附遞進納

勅劉混康所上表并錄奏具悉仍知所拜章

詞消辰已達得聞筌秘嘉歎良深倘非卿迫中觀妙契道育真志念蒼黔誠通淵默者孰能臻此欣沃可知涉此夏秋益崇慶善朕萬機之暇每覽道樞傾想話言何啻飢渴發春匪邈期必西來當體至懷毋執謙避執高氣

肅卿比平安好遣書指不多及

久阻德標唯勤引嚮累收郵中之奏聞安處
潛神綽有餘裕淨之所奏各契勘施行來春
赴闕別勅已諭此不多述當乘春水扁舟西
上母固抑朕意也秋杪霜清保錄持教外善

龍四

衛為最

大觀元年九月五日

勅劉混康省所上表進奉天寧節功德疏具
悉孟冬正候誕節屆期嚴道範於瑤壇祝後
天之景福顧惟方外之侶不忘事上之誠迺
睠忠勤益用歎獎故茲示諭想宜知悉初冬

卿比平安好遣書指不多及

大觀元年十月十四日

睽遠之久傾想惟勤喜知道履冲粹所奏辭免春首赴闕事朕未諭也誠欲再見儀刑欵導積澗而遜避再三詞情迫切遽見絕之若是況仙鷁安流何勞之有歲元後別降詔旨

預此及之未間保練天和為祝來春遣人宣召母得推辭阻命

勅劉混康累上表事具悉卿養浩山樊棲真物外優游自得起處甚休荐覽真章深嘉勤至惟妙談之杳隔第馳情以瞻思累頒詔書

來春赴闕尚遲他託苦厭塵誼當抑志而暫
枉飛鳧母養高以固違朕志尚體春遇無忽
予言冬序云初沖襟善保乍寒卿比平安好
遣書指不多及

大觀元年十月十九日

所奏增崇三茅徽號已契勘典禮施行至宜

龍四

三

悉之春首會面不可拒命所期者欵密高妙
而已冬候向嚴倍萬沖攝符子更求數十貼
即感也宮門事常在念豈不懷耳

勅劉混康穎悟真機昭融至道每覽奏牘寔
契朕心欽迺三茅懇求封冊緬懷道廕宜示

襄隆即付攸司俾加顯命今令頒錫至可領
也冬閏紀良保頤何若阜流脩阻系想徒勤
俯邇春和切期構止安然舟御勿憚一來密
屆迎長精加澄練冬寒卿比平安好遣書指
不多及

自別仙風起處佳否芝蓋東下每一念之未
當不慨然耳雲水生涯逍遙自得真有出世
無窮之樂極思講妙決在來春未間保錄持

教外善畜是禱

大觀元年閏十
月二十一日

勅劉混康累收來奏備悉勤恪不啻與馨款

接也順履時序食息何若來春飛船西上妙
論可期貴妃所需符子當為應副未間善為
輔養

三茅君聖像畫畢止伺先生到闕專得面付

治病佩帶符子告求數十貼

大觀元年十一月六日

勅劉混康省所上表來春赴闕事具悉卿累
造宸廷遽乞還山兩歷歲華每勤馳嚮且聞
春初西上深契予懷極思談微講妙預當滌
慮齋心以伺耳申遣使人計治舟御許從便
道飛船安濟宜速辦裝慰此翹渴會晤伊邇

尚宜善衛已差入內西京在藏庫使殿中省
尚輦局典御勾當龍圖天章寶文顯模閣黃
希叟降勅召卿赴闕春寒卿比平安好遣書
指不多及

獻歲發春順履時序起處安如陳乞事並依

龍四

四

所欲逐一施行若自京口而來極便思一見
之形于寤寐伺黃希叟到毋少稽留可乘春
水庶無阻滯有所需闕一一奏來區區已具
勅書茲不多述黃希叟到便可促行

大觀二年正月

日五

勅劉混康卿近嬰微恙已遂痊平計惟保練
有方無勞藥餌近覽來奏力疾造朝足仞勤
確不替忠嘉披閱以還良深歎獎希叟到日
便可飛舠乘此春波安濟西上經過郡邑無
為滯留竚伺鶴軒以欵清論暄妍在序善輔

是宜中春卿比平安好遣書指不多及

大觀二年

二月十五日

春色晴融仙舟偃息不妨高養浩然之氣良
自得也或有所需可計會希叟行當會見預
已忻快未間尚宜保練為最

勅劉混康卿持心淵靜毓德沖和每造楓宸
居多啓沃不聞名理忽復累歲鄙吝之心生
焉申遣使人往趣飈馭宜輟白雲之游來赴
紫宸之會其諸旨意已具前詔當體眷想毋
復稽留今差入內文思使殿中省尚輦局典

龍四

五

御勾當龍圖天章寶文顯模閣黃希叟管押
舟船就茅山宣召卿赴闕故茲示諭想宜知
悉春暄卿比平安好遣書指不多及

思渴晤言何劇如之以日計程四月上旬必
達闕下春水安流想無阻節途中宜止絕人

事日惟東顧以伺將欲入汴宜速奏來未會
間尚須善護

贈太中大夫誥

朕惟至德之世無爲而萬物化淵靜而百姓
定爰率是道納民泰和誠意感通異人沓至
眷遇之禮曲盡始終葆真觀妙沖和先生劉
混康虛一守真純白自得前知休咎能警群
迷或託呪符克愈衆疾雖身棲林谷而名振
京師朕用嘉歎召對閒宴屢聞至論深契予
心比復造廷燕居琳館了然委化不約而同

靜思所存宜加憫飾太中之秩視諫大夫茲
爲異恩尚期歆享特贈太中大夫

謚靜一誥

勅朕惟曲水之穴北距岱宗南接羅浮證法
冊於河圖得嘉名於地肺抱道祕境惟昔高

人真風未忘前轍具在贈太中大夫劉混康
出塵累之表以虛靜爲宗觀妙勾金之壇葆
光埋璧之地慕真風於南嶽窺奧義於西城
衆方有求忽若委蛻其頌美謚式昭正一之
功庶幾異時益振沖虛之教可特賜謚靜一

勅賜元符萬寧宮

尚書省牒江寧府茅山元符萬寧宮茅山元

符觀牒奉勅宜改賜元符萬寧宮為額牒至

準勅故牒崇寧五年正月 日牒中大夫守

右丞鄧 太中大夫守左丞何
司空右僕射

建元符萬寧宮提舉等官推恩勅命

龍四

六

勅相觀福地肇建祠宮為彼羣黎導迎景貺

龍圖閣直學士左朝議大夫胡師文等克共

廼事逮茲落成嘉汝之勤叙進官品若時休

命亦既廼心可特授左中散大夫依前職差

遣宣義郎江東運判喬可特授宣德郎差
遣如故承事郎知句容縣事鮑慎辭特授宣
義郎差遣如故右侍禁監江寧府排岸高士
遷特授左侍禁西頭供奉官高公鼎特授東
頭供奉官借職張和特授奉職差使葉承特
授借職三班差使孟忠特授三班借職知縣
事鮑慎辭免三年磨勘

江寧府茅山元符萬寧宮修蓋潛神庵宇等
安排御書牌了畢事體非輕下項管勾催促

部役官等可特依此推恩發運副使劉何與
轉一官江寧府通判范希逸與減三年磨勘
候今任滿日特令再任其部役巡檢內殿崇
班孫明翼轉一官

勅賜藏真觀

龍四

七

尚書省牒江寧府藏真觀故劉混康葬所見
修道院牒奉勅宜特賜藏真觀為額牒至準
勅故牒

大觀二年十一月

日牒中大

夫守左丞余太師左僕射
宣和封陸簡寂真人誥

朕惟前古高蹈之士名迹不泯而稱號未稱

者所以追顯之
簡寂先生陸修靜真精內得遺經垂範而脫
然超世廬阜故隱有祠至今考實定名禮以
真人之號非特用褒往躅亦俾後之聞風者
知道之所在而勉焉可特封丹元真人

宣和封揚郭許陶五真人誥

勅朕存嬰霄府眄景龍臺瞻三秀之神鄉企
九華之妙誨欽厥列仙之躅昭茲闡化之功
東華上佐司命揚真人積學洞微研心合漠
得中黃之隱訣受南真之祕傳董司吳越之

疆關總神靈之要方
詡揚於至道宜褒極於
隆名庶期沖鑒之臨
永侈蕃祺之錫可特封
洞靈顯化真人

勅三炁隱靈固非名言之測
萬神凝化莫容
議擬之求凡褒叙於上
真實恢張於至道玉

臺侍郎郭真人功參十極
位列九宮含景玉
璫已飛行於太極扶華
晨蓋爰總侍於虛皇
方丕闡於元綱宜致隆
於顯號尚期沖格永
祐昌圖可特封太微葆
光真人

勅朕降總真之玉境陟
耀景之龍臺爰校曆

於元扃以濟生于下土凡著功於道品咸進
位於仙宗上清真人許長史清素外融神明
內得靈音斐暢密參羣聖之游歛駕超遙高
佐上清之理方流羅于大梵宜崇配於德名
庶昭丕佑之臨益廣無爲之化可特封太元

龍四

廣德真人

勅紫極涵元雖瀕濛於一炁丹臺列籍實總
括於萬真凡褒位於仙宗蓋恢功於道甫東
華侍帝晨上清仙公許真人研三神以觀妙
凝九緯以挺生北洞告終自適幽人之分東

華躡景獨超上相之游雖高謝於世名其敢
忘於仁蔭尚期沖祐益闡元綱可特封混化
元一真人

勅朕膺琅霄之景命握龍漢之寶符蓋將敷
暢靈音恢隆道化闡微言於至教薦休命于
列真蓬萊都水監陶隱居振迹榮羅焜精華
闕神交無累迹雖相於山中誠感夙通賦已
仙於海上顧德名之莫擬豈妙蔭之敢忘尚
都顯號之榮永介涵生之祉可特封宗元翊

教真人

宣和六年八月三日太傅等國公臣
散宣 右弼閣 中書侍郎臣張邦

昌 中書舍人臣張志行
奉 勅如右牒到奉行

乞封五真人奏劄

臣輒瀝愚懇仰瀆宸嚴退省賤庸甘伺朝
典竊惟自古得道昇真之士先後相承為
時宗仰皆以扶世立教為已任自三茅真

龍四

九

君飛昇之後繼有楊郭二許衆真並於句
曲精修上道天真降顧親受祕語上清經
教漸降人間逮梁宋之際真風渙汨聖道
不絕如帶惟陶隱居力扶宗教以微言奧
旨發明道要為天下後世之幸然而三茅

兄弟頃蒙朝廷褒崇冊封聖位其餘衆真未聞有以旌異臣愚欲望聖慈特以楊郭許陶衆真並依三茅真君例就今仙職加崇美號除別具諸位仙品奏聞外如蒙俞允乞降睿旨下有司施行干冒天威取進

止

宣和六年七月

日碧落郎凝神殿校

籍同知右街道錄院事管轄江寧府玉

晨觀臣丁
安行劄子

寧宗賜號王景溫

王景溫履道清尚操行高潔眷寵三朝朕亦禮遇可賜號虛靜真人

寶慶易如剛先生勅牒

尚書省牒左右街都道錄主管教門公事太
一宮都監兼高士易如剛奏么微野人頃在
茅山於慶元改元蒙恩召充太一宮高士并
鄮監住持專任祈禱每藉君相為國愛民靡

不昭格越今三十餘年徧除道階昨於嘉定
六年蒙恩特賜通妙先生續於嘉定十四年
得旨降香設醮茅山訖事回奏乞老還山恭
奉御筆高士易如剛祈禱有功未應告老宜
加顯錫以重眷留特賜通妙葆真先生今繳

連寧宗皇帝御書二軸伏望尚書省特頒勅命旌表名山以重新禱伏候指揮

寶慶元年七月十四日奉聖旨特令尚書省出給勅牒奉勅宜賜通妙葆真先生牒至準

勅故牒

寶慶元年七月

龍四日牒

理宗金錄投龍玉簡詞

維嘉熙元年歲次丁酉九月己酉朔二十六日甲戌嗣天子臣昉伏為保延國祚恭祈嗣續敬齋香信祇建沖科命道士二十一員於建康府元符萬寧宮啓建靈寶道場一晝二

夜滿散設醮三百六十分位告盟天地誕集
嘉祥謹依舊式詣上清宗壇華陽洞天投送
金龍玉簡伏望至聖至真鑒茲丹悃乞為騰
奏上聞九天臣昀伏以元儲虛位未開熊夢
之祥邊閫分屯尚調虎符之戍內欲隆於國
本外思靖於兵氛仰惟祖宗積累之難深切
朝夕繼承之懼是用肆類上帝徧禱名山願
垂覆燾之仁弘賜扶持之力得男而應震索
茂延百世之期偃武而致太平坐底四方之
治保基圖於鞏固措民物於教寧祇迓靈休

永依大造臣昫無任懇禱之至謹言

加封廣濟廟龍神誥

勅敷澤廣應侯惟龍質無體而神無方矧茅
山至人所居彼其吐吞夫丹竈之日月猶足
依憑而為靈乎有司上功雨暘曰時其禦菑

龍四

十一

也實應祭義申衍侯號用侈褒章金陵予陪
都其職而幽以服而侯甸之職可特封敷澤
廣應利濟侯奉勅如右牒到奉行

淳祐四年
月 日

淳祐加封三茅真君誥

勅朕聞真人馭風騎氣神游八極之表而一

念在生靈則猶數數然也太元妙道沖虛真
君東嶽上卿司命神君成道於茅山登籍於
仙府三君之首者也竒驗見于歷代遠近以
爲司命朕爲黎元慕尚不已特命有司亟衍
嘉號以彰欽崇可特封太元妙道沖虛聖祐
真君東嶽上卿司命神君

勅朕聞句曲三峯神君顯甚遂有金壇洞天
之名歷代所慕尚豈獨於今乎定錄右禁至
道沖靜真君修真得道是謂中茅兩賜應禱
遠近德之亟命衍號以答鴻休其體朕意益

陰騭于下民可特封定錄右禁至道冲靜德
祐真君

勅朕聞漢武祀神君於禁中其祝甚秘蓋以
徼福朕不為也三官保命微妙冲惠真君真
風道氣號小茅君祈眊敬事祭典褒崇蓋非

一日矣茲命衍號以昭朕拳拳慕尚之意益

閱貺施以惠生靈可特封三官保命微妙冲

惠仁祐真君奉勅如右牒至奉行淳祐九年日

太傅左丞相魏國公清之右丞相葵參
知政事繇參知政事方叔吏部尚書闕

尚書清吏

御賜沉香描金如意一事上獻大茅君白玉
圭二面上獻中茅君小茅君聖像秉執旌節
幡幢威儀等一十二件沉香五十兩腦子五
兩銀一百兩綠錦幡二首各長二丈新茶五
十片官會十萬緡付茅山崇禧觀

龍四

十二

協忠大夫保康軍承宣使入內內侍省都
知提點佑聖觀張左街道錄洞微真應
先生佑聖觀虛白齋高士主管教門公事
司徒師坦上表以臣三年祈禱感應微勞
乞回降恩命加封三茅真君奏可

元詔誥

世祖皇帝召蔣宗師詔

上天眷命

皇帝聖旨諭建康路三茅山三十八代宗師

蔣宗瑛聞汝年高德邵法錄精嚴思接道論

今遣使馳驛召赴闕廷仍勅有司如法律遣

便安就道毋致艱虞故茲詔示想宜知悉

十八年二月

金錄齋詞

至大三年庚戌歲五月三日

上清大洞經錄無上三洞法師元景真人臣
王道孟欽奉

皇帝聖旨伏以有國有家祇荷財成之造蓋
高蓋厚敢忘祈謝之誠緘辭遠叩於名山徼
福永延於景運謹遣玄教嗣師總攝江淮荆

龍四

十三

襄等處道教所事崇文弘道玄德真人吳全
節恭奉香幣詣三茅山元符萬寧宮上清宗
壇修建金籙寶齋三晝夜滿散祇陳三界衆
真清醮三百六十分位伏願覆育無私鑒觀
有赫天長地久三宮同康壽之祺兩順風調

四海樂雍熙之治

延祐元年甲寅歲五月二十六日
法位如前臣王道孟欽奉
皇帝聖旨伏以惟

天惟祖之垂祐有國有家之在躬修省彌深
報祈敢怠啓沖科於茅阜集景貺於蘿圖諒
有欲以必從信無遠而弗届是以謹封香幣
遣玄教嗣師總攝江淮荆襄等處道教崇文
弘道玄德真人吳全節詣元符萬寧宮上清

宗壇命宗師王道益集法師道士一壇修建
福國裕民金籙寶齋三晝夜滿散祇陳三界
衆真清醮三百六十分位伏願
一人有慶萬福攸同兢業無曠庶官臻旣醉
鳧鷖之治怡愉以奉太后介未央長樂之春

風雨順調民物康阜

又

延祐五年戊午歲正月五日
上清大洞三景經籙第字四十五代嗣教宗
師元景真人臣劉大彬欽奉

皇帝聖旨伏以輯寧邦家嗣服脩經於八載
欽崇天道封香爰至於三山當陽春發育之
初祈大德生成之廣俯殫素悃仰格鴻禧謹
遣元成文正中和真人江淮荆襄等處道教
都提點夏文詠詣三茅山元符萬寧宮上清

龍四

十四

宗壇命臣集法師道士一壇修建福國裕民
金籙寶齋三晝夜滿散祇陳三界衆真清醮
三百六十分位伏願

皇天眷命洪範錫疇九族睦而萬邦和兵寢
刑措六府修而三事治地久天長慈闈介康

壽之祺中間協和平之福慶延儲位澤被寰

區

又

泰定三年丙寅歲十月十二日

法位同前臣劉大彬欽奉

皇帝聖旨伏以誕膺景命祇紹丕圖保民無

疆思永安於宗社應天以實庸昭祀於山川

爰致清祠冀徼洪貺謹奉香幣遣特進上卿

玄教大宗師崇文弘道玄德廣化真人總攝

江淮荆襄等處道教知集賢院道教事吳全

節詣建康路三茅山元符萬寧宮上清宗壇
開建金籙寶齋祈天永命福國裕民伏望璿
霄委監寶祚延長邦家開太平之基三宮同
慶海寓樂雍熙之治萬國咸寧

又

龍四

十五

天曆三年庚午歲正月九日

太上弟子嗣上清高玄大洞經籙四十五代
宗師三天法師上景真人行九老仙都君印
職臣劉大彬欽奉

皇帝聖旨伏以恭承明命克紹丕圖欽若昊

天荷皇天之簡眷敬哉有土冀率土以乂寧
爰闡沖科用徼洪貺謹奉香幣遣法師舒致
祥詣三茅山元符萬寧宮上清宗壇修建金
籙寶齋三晝夜滿散祗陳三界衆真清醮三
百六十分位伏願乾坤合德日月齊明海晏
河清開八荒之壽域時和歲稔得萬國之懽
心

延祐加號三君立觀三峯誥

上天眷命

皇帝聖旨靜慕玄風灼觀往事無爲曰道必

刻意繕性而始成修身迺真非積行累功而
莫就大茅君東嶽上卿司命太元妙道沖虛
聖祐真君竒操矯俗精思集虛一德齋心受
龜臺西華之祕旨萬靈授職開金陵句曲之
宗壇丹光千載以如新寶氣三峯而彌固發

祥肇社民到于今稱之逆雨寧風天之所助
順也亶惟作聖允合祐神孔蓋翠旌祀莫嚴
於司命瓊文藥簡禮爰舉於秩宗假茲聰明
佐予平治可賜茅山一峯聖祐觀特加封大
茅君東嶽上卿太元妙道沖虛聖祐真應真

君主者施行

上天眷命

皇帝聖旨合人心理萬物禮宜順於鬼神建
皇極錫庶民徵有稽於暘雨大江以東之地
句曲爲望之宗土樂昇平歲稱稔足二茅君

龍四

十六

定錄右禁至道沖靜德祐真君中峯司命西
華鍊形作牧審煩擾之非修身得恬澹之要
驂鸞導從填荒儼奏於雲中化鶴來歸城郭
時看於華表朕方推仁以濟衆靈宜妙物以
祐民學道受之以神端有宗於李耳望祀不

祈其福誠深慕於漢文嘉與含生誕敷景命
可賜茅山二峯德祐觀特加封二茅君定錄
右禁至道沖靜德祐妙應真君主者施行
上天眷命

皇帝聖旨氣化為神握陰陽而執要物來能
應遇水旱以成功茲山之靈以氏為號三茅
君三官保命微妙沖惠仁祐真君不導引而
壽體純素為真密從蒼龍承左右而無間時
乘白鵠侍伯仲以遠游荷天之休為民請命
肖遙容與眼光景以如新周流徜徉蒙福祉

而無極肆加褒錫不應隆平埋鼎高峯爰慕
軒轅之有道獻金空谷方薄光武而不為以
赫厥靈同歸于治可賜茅山三峯仁祐觀特
加封三茅君三官保命微妙沖惠仁祐神應
真君主者施行延祐三年七月制表梅視草

龍四

翰林學士承
翰林學士承
十七

旨趙孟頫副墨

勅賜宗禧萬壽宮

上天眷命

皇帝聖旨朕流觀山圖夷考仙蹟睠曲林之
舊館實私景之故居原其建立之初以處高

第弟子及今千載猶想遺風朕將益崇神明
用著高尚其建康路三茅山崇禧觀可準玄
教嗣師掌教真人吳全節所請賜號曰崇禧
萬壽宮主者施行

延祐六年
三月
日

茅山志卷之四



